



Inatsisartunut ilaasortaq
Agathe Fontain, Inuit Ataqtigiit

§ 37 naapertorlugu apeqqummut 2016-007-imut nuttarnermut, nuuttarnermullu malittarisassat pillugit akissut

Brevdato: 05-02-2016
Sags nr. 2016 - 754
Dok. nr. 1976948

Asasara Agathe Fontain

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Nuttarnermut nuuttarnermullu malittarisassat pillugit apeqqtinnut Naalakkersuisut matumuuna akissuteqarput.

Naalakkersuisut inuit nuttartarnerisa peqquaat paasiniallugu iliuuseqassamaarpat?

Akissut:

Nunarsuup sinnera assigalugu issittumi nunani aamma inoqarfinnut anginerusunut nussorneq pivooq. Kalaallit Nunaannittaaq ukiuni kingullerni 40-ni inuttaasut ilaasa inoqarfinnut anginerusunut nussornerat malunnarluarpoq. Nunarsuarmi illoqarfissuarnut nussornerup annertusiartornera arlalissuariarluni uppersarneqareerpoq.

Avatangiisinik naliliinerup (2007-2010) suliarineqarneranut atatillugu, Naalakkersuisut 2008-2010-mi innuttaasut nuttarnerannut tunngatillugu amerlassutsinik pitsaassutsinillu annertuumik misissuipput. Inuillu sooq nuuttarnerannut nuuttannginnerannullu apeqquaat aamma misissuinermit ilaatinneqarpoq. Misissuinerup taannartaa ilisimatusarnikkut allaaserinermit aamma sammineqarpoq.

Angutit arnallu nuttarnermut assigiinngitsunik toqqammaveqartarnerat misissuinerup takutipppaa. Angutit annertunerusumik nammineq suliffissartik suliffimmilu qaffakkiartorsinnaanermut tunngasut pingaarnerutittarpaat, arnallu namminneq meeqqamillu ilinniagaqarnerat pingaarnerutittarlugu.

Peqqissutsimut sullissinerit pitsaanerusut, angallannikkut periarfissat pitsaanerusut kiisalu pensionisiaqalernissamut periarfissat, nuunnermut toqqammavissani annertunerusumik patsisaasannngitsut misissuinermit erserpoq.

Naalakkersuisut 2016-imi januaarimi februaarimilu innuttaasunik ataatsimiititsinerit arlalinnik ingerlatsissapput. Innuttaasunillu ataatsimiititsinerit taakku ingerlanneqarnerannut ilaatillugu, innuttaasut toortakkat atorlugit ilaatigut nuussinnaanermut tunngavigisaminnik apeqqtinik akinissamut periarfissinneqassapput. Innuttaasunik ataatsimiititsinerit misissuinerit pitsaanerusumik ingerlanneqarnissaat siunertarinnarpoq.

Pilersaarusiornermullu annertuumut sooq innuttaasut nuuttarnerannut, nuuttannginnerannullu tunngaviusut ilisimanerussallugit pissusissamisooraluartoq, taamaattoq innuttaasut nuuttarnernut nuuttannginnerannullu eqqarsaatersuutigisaat pillugit misissuinermit nutaanik ingerlatsinissamik Naalakkersuisut massakkut pilersaaruteqanngillat.

Inatsisitigut amigaataava, inuit nuukkaangamik suna peqquutiginerlugu allannissaanut piumaffigineqarsinnaanerit?

Inunnik nalunaarsuisarnej pillugu inatsisip Kalaallit Nunaanni atortuulersinneqarnera pillugu peqqussut nr. 1198, 29. november 2006-imeersumi § 12, imm. 1 naapertorlugu inuit nuunnerminnit kingusinnerpaamik ullut tallimat qaangiunneranni nalunaaruteqarnissamik pisussaanerannut tunngatillugu, Naalackersuisut inatsimmi toqqaannartumik amigaaqartoqarneranik isumaqanngillat.

Kalaallilli Nunaanni paasissutissanik pitsaannerusunik pissarsiniarluni sulinermi inatsisip, taassumaluunniit aqunneqarnera pillugu allannguinnissamik pisariaqartitsineq, inuit sumi najugaqarpiarneranik pitsaannerusumik ersersitseqataasinnaasumik inatsisip allangortinneqarnissaanik pisariaqartitsilersinnaaneq peratarsinnaavoq.

Inussiarnersumik inuulluaqqusillunga
Med venlig hilsen

Randi V. Evaldsen